

**Nunat Aqqinik Aalajangiisartut**  
**sisamannorneq marsip aallaqqaataani 2012-mi**  
**Oqaasileriffimmi ataatsimiinnerat**

**Peqataasut.:** Carl Christian Olsen, Stephen Heilmann, Abia Abelsen,

**Peqataannngitsut:** Tukummeq Qaavigaq aallaqqanini pissutigalugu, Lotte Holmilu napparsimanini pissutigalugu.

Allatsi: Lisathe Møller Kruse.

Oqaluserineqartut makkuupput:

1. Tikilluaqqusineq
2. Imaqarniliap akuerisassatut saqqummiunnera (*januaarip 19-anni 2012-mi ataatsimiinnermit imaqarniliaq*)
3. Aatsitassanut Ikummatissanullu Pisorta qarfimmiit saaffiginnissutip e-mailikkut ”**Qassit**”-nik atsikkap tangeqartinnissaa
  - i. Høringsbrev Stednavn for efterforskningstilladelse 2012-30.phf (Qeqertarsuatsiaat timaat kujataalu)
4. Aatsitassanut Ikummatissanullu Pisorta qarfimmiit saaffiginnissut
  - i. Ansøgning om tilladelse til efterforskning af mineraler (efterforskningslicens MEL 2012/35) (*Kujataani Nunakuluut kangialu*)
5. Nanortallip eqqaani nunat aqqi Henrik Kielsenimit naqqiissutit (*Perseraji, Oqittoq*)
6. Pearylandimut Avanersuarmit ateriitaa Qimmersoriartorfissuaq (*Henrik Kielsenip paasisutissiisutaa*)
7. Taasariaqartut allat



## 1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

CCO-p ilanngullugu ilisimatitsissutigivaa tunumi nunat aqqisa qanoq periuseqarluni allanneqartarnissaat pillugu Oqaasiliortut suliaqarsimasut. Ilanngullugulu erseqqissaatigalugu Oqaasiliortut suliaq taanna piareersimagaat.

## 2. pillugu –

Januaarip 19-anni 2012-mi ataatsimiinnermit imaqarniliaq akuerineqarpoq.

## 3. pillugu –

Aatsitassunut Ikummatissanullu Pisorta qarfirmiit saaffiginnissut Nunat Aqqinik Aalajangiisartunit e-mailikkut “Qassit”-nik ateqartussatut aalajangiunneqarnera pillugu ataatsimiinnermi tangeqartinneqarpoq.

Nunat Aqqinik Aalajangiisartut e-mailikkut atserallagartik akuerivaat, Qeqertarsuatsiaallu eqqaaniittoq ima akuerisaasumik taaguuteqartussatut aalajangerlugu:

- i. HØRING stednavn for efterforskningstilladelse 2012-30.phf

*(Qeqertarsuatsiaat eqqaaniippoq)*

**Qassit**

## 4. pillugu -


Aatsitassanut Ikummatissanullu Pisorta qarfirmiit saaffiginnissut Nunat Aqqinik Aalajangiisartunit eqqartorneqareerluni ima akuerisaasumik taaguuteqartussatut aalajangerneqarpoq:

- ii. Til høring Ansøgning om tilladelse til efterforskning af mineraler

*(efterforskningslicens MEL 201235)*

**Nunakuluut**

*(Kujataani Nunakuluuniippoq, Qassimiut kitaani)*



## 5. pillugu -

Nanortallip eqqaani nunat aqqi Henrik Kielsenimit naqqiissutit Nunat Aqqinik Aalajangiisartunit eqqartorneqarput.

Henrik Kielsenip Nanortallip eqqannguniittut nunat aqqi akuerisaareersut Perserajuk aamma Oqqitsoq naqqissutigai, “Perseraji”-mik “Oqittoq”-millu ateqarnerarlugit.

Qaqqaq pineqartoq “Perseraji”-minngooq ateqarpoq nunamut tunngasortaa persertarmat, uiguullu {raji} tunumiut uiguutaat tassani atorneqartoq mikusunut tunngatillugu atorneqartarmat. Nunat Aqqinik Aalajangiisartut aalajangerpaat qaqqaq pineqartoq “**Perserajik**”-mik ateqalissasoq.

Qeqertaq pisortatigoortumik akuerisaasumillu “Oqqitsoq”-mik atilik Nanortallip eqqaarannguniittoq Henrik Kielsenimit naqqiissutigineqarpoq “Oqittoq”-mik ateqarnerarlugu.

Henriup nassuiaatigivaa qeqertaq pineqartoq qimatulivigineqartarsimasoq tassanilu nerisassat oqunneq ajorsimasut. Qeqertanngooq taassuma eqqaa anorlerajuttuugami immap tarajua qeqertamut annguttarsimavoq, nerisassat oquttussaagaluit oqutsinneq ajorlugit. Tassagooq qeqertap ateqaataa Oqittoq, tassa oqunneq ajortoq. Tamanna pissutigalugu Nunat Aqqinik Aalajangiisartut aalajangerpaat qeqertaq pineqartoq “**Oqittoq**”-mik ateqalissasoq.

## 6. pillugu -

Henrik Kielsenip siunnersuutigivaa nunatta avannaarsuaniittoq Pearyland

“Qimmensoriartorfissuaq”-mik ateqalissasoq.

Atuakkami 2003-mi saqqummersumi “Pearyland”-mik atilimmi allassimasoqarsimavoq Pearyland

Avanersuarmit “Qimmensoriartorfissuaq”-mik taasarsimagaat. Taamaammat Henriup

siunnersuutigivaa Pearyland “Qimmensoriartorfissuaq”-mik ateqalissasoq.

Nunat Aqqinik Aalajangiisartut siunniuppaat atuakkami pineqartumi allassimasut atuaqqaassallugit, tamatumalu kingorna aatsaat isummerfigiumaarlugu.

-----

Carl Chr. Olsen

Siulittaasoq

Lisathe M. Kruse

Allatsi